

SKÝRSLA SKÓGARVARDARINS Á SUÐURLANDI

1947.

FRAMKVÆMDIR 1947.

- Girðingar: Ný girðing var sett á austurhlið Tumastaðalands. Hún er 400 metra löng, girt úr vírneti og tveim gaddavírs strengjum og borin uppi af járnstólpum (galvaniseruðum). Gömlum girðingum var haldið við eftir fögum.
- Byggingar: Gróðurhús var byggt á Tumastöðum. Stærð þess er 30 x 7 m. Grind er úr járni og var hún steipt niður í grunninn. Trélistar voru skrúfaðir á járngrindina og gler lagt yfir þá.
- Vegagerð: Lagður var 800 metra langur vegur frá Þjóðveginum og heim að Tumastöðum. Vegurinn var málborinn á 300 metra svæði.
- Rafstöð: Byrjað var á virkjun lækjar, sem fellur um land Tumastaða, en því verki varð ekki lokið á árinu.
- Framræsla: Handgrafinn var 100 metra langur skurður, 2ja metra djúpur, 2.20 metrar í þvermál að ofan og 0,40 metrar í þvermál í botninn.
- Græðireitir: Við græðireitinn á Tumastöðum var unnið megnið af sumrinu. Beltisdráttarvél var notuð til þess að jafna landið. Í haust var ekið 100 vögnum af húsdýraáburði í hluta landsins, sem væntanlega verður tekinn til notkunar á næsta sumri.

Sáning: 15 kg. af sitkagrenifræi var sáð í gróðurhúsið á Tumastöðum. Fræinu var sáð í 51 kassa - samtals um 35 m². Almfræi var sáð í 4 kassa og gullregni í 1 kassa. Allt fræið spýraði mjög vel nema gullregnið. - Í Múlakoti var sáð 120 kg. af reynifræi í 100 m². Engu birki-fræi var sáð í Múlakoti að þessu sinni og er það vegna sjúkdóms, er verið hefir þar í ungbirki á undanförunum árum.

Seldar & afhentar plöntur:

Birki	-	12.432	st.
reynir	-	7.854	-
víðir	-	4.363	-
ribs	-	135	-
sitkagreni	-	3.462	-
sólber	-	76	-
ýmislegt	-	148	-

Samtals 28.470 st.

Til sölu og afhendingar eru næsta vor:

Birki	-	6.000	st
reynir	-	3.000	-
víðir	-	1.300	-
ribs	-	1.000	-
sólber	-	600	-
grá-reynir	-	300	-
eplatré	-	300	-
ýmislegt	-	600	-

Samtals 13.100 st.

Ferðalög:

Fyrst í júní fór ég ásamt Vigfúsi Jakobssyni inn á Þórsmörk. Plöntuðum við þar 3.000 furum (skógarfurum). Þeim var plantað á þrem stöðum, í Húsadal - Laugadal og Stóra-enda. - Um miðjan ágúst fór ég austur á Síðu og var ferðinni heitið í Núpsstaðaskóg, en sakir óveðurs og vatnavaxta komst ég aðeins að Kálfafelli í Fljótshverfi og snéri þar við. - Væntanlega kemst ég í Núpsstaðaskóg á sumri komanda. - Í bakaleiðinni athugaði ég lítillaga Skaftáreldahraun vestra, og er merkilegt að sjá, að víða er kominn víðir um hraunið. Ekki sá ég þar birki, en þó kann það vel að leynast þar.

Um mánaðarmótin ágúst - september sat ég fund Skógræktarfélagss Íslands, er haldinn var að Vöglum í Fnjóskadal.

Auk þessa fór ég nokkrar smáferðir um nágrennið.

Tumastöðum í janúar 1948,

